



**Vniuersa Theologia Scholastica, Speculatiua, Practica**

Ad methodum S. Thomæ, quatuor Tomis comprehensa

**Tanner, Adam**

**Ingolstadii, 1626**

II. An & quænam nomina de Deo dicantur substantialiter, & ab æterno, &  
ex tempore.

---

[urn:nbn:de:hbz:466:1-72856](#)

Quarto ex utrisque affirmatiis, tam transcendentibus, quam particularibus prædicatis, quædam de Deo dicuntur substantialiter; alia non item; quæ diuisio qualis sit dub. 2. dicetur. Quæ substantialiter de Deo dicuntur, rursum prædicari de Deo possunt, aut in concreto ad significandam eius perfectionem subfustendi; vel in abstracto, ad significandam eius simplicitatem, excludentem omnem compositionem; tam ex subiecto & accidente, quam superposito & natura, vt declarat S. Thomas hic a. 1. ad 3. & a. 12. & dictum supra q. 2. dub. 7.

Quintu[m] cadem Dei prædicta affirmativa, aut sunt absolute, aut respectiva; siue secundum rem, & ad intrinsecum Pater, Filius, &c. quæ tamen huc proprie non pertinent, sed ad materiam de Trinitate; siue solum secundum rationem, & ad creaturas, iuxta S. Thomam art. 7. Hæc rursum, vel ab æterno Deo conueniunt; vel solum ex tempore; quam diuisiōnem, quia peculiare difficultatem habet; dub. 2. explicabimus.

Sexto, eadem prædicta affirmativa, aut formaliter, vt essentialia prædicantur, siue quia rectè significant ipsam diuinam naturam, vt est nomen Deus; quamvis forte impositio ipsius sumpta sit a proprietate quadam Dei, vt rectè S. Thomas art. 8. & dictum, disput. 2. q. 1. dub. 1. siue quia formaliter aliquod esentiale prædictum significant, vt sunt, quæ in reæ linea prædicamentali substantia posita Deo conueniunt; nimur hæc quatuor, substantia, viuens, spiritualis, intellectualis: Aut per modum quasi proprietatum Deo tribuuntur: quæ demptis transcendentibus, reducuntur ad tria, scientiam numeri, voluntatem, & potentiam agendi; de quibus adhuc agendum restat qq. seqq. Plura de hac re supra q. 2. dub. 1. huius disputationis, vbi de varieta attributorum diuinorum egimus.

## D V B I V M II.

*An quenam nomina de Deo dicuntur substantialiter, & ab æterno; vel non substantialiter, aut ex tempore.*

S. Thomas 1. p. q. 13. a. 2. & 7.

**A**ssertio I. Nomina quædam de Deo dicuntur substantialiter, ac proinde non solam negotiationem, aut relationem causæ ad creaturas, veluti effectus Dei, sed positivam aliquam in Deo perfectionem significant. Ita S. Thomæ q. 13. a. 2. & consentiunt Alesensis 1. p. 48. m. 4. art. 3. Bonaventura in 1. d. 22. a. 1. q. 4. Richardus a. 1. q. 5. Aegidius q. 4. Durandus q. 2. Marsilius in 1. q. 25. a. 3. post Damascenum lib. 1. de fid. cap. 4. & 12. Augustinum lib. 6. de Trinit. cap. 4. & lib. 7. cap. 1. & 7. & est communis hodie omnium Theologorum contra obsoletas quasdam opiniones Doctorum à S. Thomas ibidem optimè refutatas; quorum aliqui dixerūt (inter quos ab eodem refertur Rabbi Moyses) omnia nomina Dei, etiam affirmativa & absoluta magis inuenta esse ad aliiquid remouendum à Deo, quam ad aliiquid ponendum in ipso: ita vt cum dicimus, De-

um esse viuentem, significemus, Deum non hoc modo esse, sicut sunt res inanimæ. Alij vero dixerunt, hæc nomina, quando Deo tribuuntur, solum imposita esse ad significandam habitudinem eius ad res creatas; ita vt cum dicimus, Deum esse bonum, sensus fit, Deum esse causam bonitatis in rebus creatis, & sic de alijs.

Quorum utrumq[ue] rectè refellit S. Thomas tribus rationibus. Primo, quia secundum neutram hanc sententiam assignari potest ratio, quare alia nomina potius ac verius de Deo dicantur, quam alia; v.g. bonum esse potius, quam corpus esse: quandoquidem non minus est causa corporum, quam bonorum; nec minus etiam per hoc, quod dicitur corpus esse, remouetur à Deo aliiquid, quod Deo non conuenit, nimurum esse Ens in potentia tantum; sicut est materia prima. Secundo, quia sequeretur omnia nomina, quæ de Deo dicuntur, posterius ac minus principaliter dici de Deo, quam de creaturis: sicut sanum posterius ac minus principaliter dicitur de medicina, quam de animali; eo quod illic solummodo causam sanitatis, hic sanum formaliter significet: id autem falsum esse ex S. Thoma dicetur dub. 3. Tertio, quia hoc est contra intentionem loquentium de Deo. Aliud enim intendimus dicere, cum dicimus Deum viuentem, quam quod sit causa vita nostræ; vel quod differat à corporibus inanimatis.

Denique his accedit ratio ostensiva. Quia nomina, quæ Deo tribuimus, ita Deum significant, sicut nos Deum cognoscimus; ita autem cognoscimus, si cuti nobis per creaturas representatur; at vero ex creaturarum representatione non cognoscimus de Deo solum quid non est, nec solum relationem cause; sed etiam perfectiones quasdam, quæ in ipsis creaturis existentes eminentissimo modo, sed formaliter tamen ipsi Deo, tamen primo principio omnis perfectionis, insunt; si modo, vt superius dictum, nullam imperfectionem in suo conceptu formaliter inuoluant: Ergo etiam potest ita Deus secundum perfectiones, quæ in ipso formaliter insunt, a deoque substantialiter à nobis quibusdam nominibus significari.

Nec obstat S. Dionysius cap. 1. de diuin. nom. vbi ait: Omnes etiam sanctas Theologorum laudes, beneficis diuinitatis progressionibus explicandis, atque laudandis, diuina nomina insuere fingere. Nam vt rectè notauit S. Thomas eod. art. 2. ad 2. non negat S. Dionysius, diuinis nominibus aliud significari, quam progressionem seu causalitatem diuinitatis in ordine ad creaturas; sed vult has quidem progressiones simul celebrari cum diuinis nominibus, præcipue quando ab ipsius hæc nomina Deo fuere imposita; attamen simul formaliter aliquam in ipso etiam Deo perfectionem significari, vt ex ijs, quæ mox subiungit S. Dionysius colligitur. Et aliud est quandoque, inquit S. Thomas, a quo imponitur nomen ad significandum, aliud ad quod significandum nomen imponitur; sicut lapus, inquit, dicitur ab eo, quod ludit pedem; & tamen significat certam speciem corporis, &c.

Similiter intelligendum, quod ait Damascenus lib. 1. orthod. fid. cap. 4. De Deo quid est secundum substantialiam, dicere impossibile. Et infra. Quæcumque per Theologum affirmatum de Deo dicimus, non naturaliter, sed ea quæ sunt circa naturam significant. Prior enim

enim locus loquitur de perfecta & quidditatiua Dei cognitione, ut rectè S. Thomashica. 2. ad 1. posterior de attributis diuinis intelligitur, ut mox ibidem subiungendo significat: neque negat Damascenus, hęc significare Dei substantiā, sed negat solum formaliter significare ipsam naturam Dei; quod verum est ex dictis q. 2. dub. 1. 5. & 6.

**Assertio II.** Ea nomina substantialiter de Deo dicuntur, que formaliter & directè ipsam substantiam sive entitatem Dei, sub quacunque demum ratione, seu absoluta, seu relativa, significant; non autem que formaliter solum negationem, aut solum relationem rationis ad creaturas significant. Hęc est doctrina S. Thomas cit. art. 2. vbi exp̄s̄ dicit, *ea que dicuntur de Deo negatię, vel que relationem ipsius ad creaturam significant, substantiam eius nullo modo significare, sed rationem aliquam ab ipso, vel relationem eius ad alium, vel potius aliquam ad ipsum: secus esse de nominibus, que absolute & affirmatiue de Deo dicuntur; sicut bonus, sapiens, & huiusmodi, &c.* Eademque est ratio nominum relatiorum Dei ad intra, seu que realem aliquam in Deo relationem significant, ut rectè Vasquez eodem art. 2. cisi nonnulli dubitent, quando S. Thomas nullam eorum fecit mentionem; ideo nimur, quia hoc loco de attributis Dei solum absolutis, & que Deo, ut unus est, conueniunt, non relativa ad intra differunt. Quam doctrinam etiam indicauit antea Iohannes Cyparissiotus capite quarto decade 9. vt notarunt Turrianus in scholijs ibidem, & Valquez hic art. 2. num. 29.

Eratio italoquendi clara est: quia cum omnia, quae in Deo intrinsecè existunt, sint una quædam simplicissima entitas & substantia diuina, imo vero etiam formaliter substancialis quædam, non accidentales Dei perfectiones sint, rectè dicuntur omnia nomina, quae vila ratione formaliter aliquam Dei perfectionem seu entitatem significant, ipsam Dei substantiam, adeoque Deum ipsum substantialiter significare. Eadem est doctrina S. Augustini lib. 7. de Trinit. cap. 1. & 7. vbi ait: *Deo hoc est esse, quod forte esse, & si quid de illa simplicitate dixeris, qua eius substantia significatur.*

Fatendum tamen est, abstrahendo à mente S. Thomæ, posse eam partitionem diuinorum nominum etiam aliter accipi; sicut etiam auctores superius citati non omnes eam eodem modo explicant; diversa quidem, sed non opposita, nec ideo falsum, aliquid re ipsa docentes. Duobus autem potissimum modis alijs hęc res potest explicari. Primo nimur, ut substantialiter prædicari, distinguatur contra accidens prædicabile, seu quinti viuens alis. Quo modo omnia & sola illa prædicata, que sive ex tempore, sive ab aeterno Deo conuenientia, significant ordinem ad creaturas aliquando existentes, de eo prædicabuntur non substantialiter; cetera vero omnia, quamvis relativa & negativa, ut incorporeus, increatus, infinitus, &c. substantialiter. Et quamvis aliqui recentiores Interpretes ita explicent S. Thomam; id tamen ei minimè consentaneum est hic art. 2. & 7. vt ex dictis constat, & rectè notauit Vasquez eod. art. 2.

Secundò etiam accipi potest pro eo, quod ut sic formaliter, & iuxta nostrum modum concipiendi,

dicit ipsam diuinam essentiam, & non solum quædam quasi ipsius proprietatem. Quo sensu Damascenus lib. 1. de fide cap. 4. & 12. negat, nomina, attributorum significare formaliter substantiam, sive Essentiam, & quidditatem Dei, ut paulo antea dicitum. Sed nec isto modo accipit S. Thomas eam partitionem, ut pote, qui attributum boni, sapientis, &c. dicit substantialiter Deum significare, ut vidimus. Iam vero vt intelligatur, quænam nomina relativa directe & formaliter dicat solum relationem ad creaturas, non autem substantiam diuinam, est

**Assertio III.** Sola quidem, sed non omnia nomina relativa, que ex tempore de Deo dicuntur, significant directe solum relationem ad creaturas; sed illa tantum, que de Deo dicuntur, tanquam relativa secundum Elle; vt Dominus, pater, respectu creaturæ: non autem que sunt quasi relativa secundum dici, vt Salvator, Creator, Creans, &c. hęc enim directe significant ipsam etiam actionem Dei immanentem, adeoque ipsam substantiam & Essentiam Dei, licet ex consequenti importent seu consignificant habitudinem ad creaturas. Ita exp̄s̄ S. Thomashic quæst. 13. art. 7. ad 1. vbi ita distribuit nomina Dei relativa ad creaturas; & patet ex similinam etiam in rebus creatis nomina hęc, Operans, causans, efficiens, generans, &c. non dicunt solum habitudinem, seu relationem, sed ipsam actionem. Et quamvis in rebus creatis solum dicant actionem transiunt, in Deo tamen, qui voluntate agit & intellectu, denotant etiam actionem immanentem, iuxta S. Thomam loco citato. Neque vero dici potest, actionem transiunt, iuxta S. Thomam esse, in agente, sed solum in passo, vt patet infra quæst. 18. art. 3. ad 1. & ex 1. 2. quæst. 3. a. 2. ad 3. Dices, inde consequi, etiam creationem, que videtur abstractum à creatore, significare formaliter Dei substantiam. Respondeo negando sequelam; quia creation non est abstractum à creatore, sed, vt ita dicam, à creatu.

Quare non probatur id, quod Suarez lib. 1. cap. 32. num. 5. & Vasquez quæst. 13. art. 2. significant, omnia & sola illa nomina, que de Deo ex tempore dicuntur, vt Dominus, Creator, Salvator, &c. (non autem prædestinans, præsciens, &c.) significare formaliter non substantiam Dei, sed solum relationem, adeoque dici de Deo non substantialiter.

Iam vero quod ad alteram partitionem attinet, in titulo huius dubitationis insinuatam; quænam nomina de Deo dicuntur ab aeterno, vel ex tempore est

**Assertio IV.** Sola quidem, at non omnia nomina, que significant relationem Dei ad creaturas aliquando existentes, dicuntur de Deo ex tempore; sed illa tantum, que significant, & consequuntur actionem aliquam Dei transiunt, vt Creator, Salvator, Creans, Saluans, Dominus: que vero significant relationem consequentem præcisę actionem Dei immanentem, vt prædestinans, præsciens, &c. dicuntur de Deo ab aeterno. Ita S. Thomashic quæst. 13. a. 7. in corp. & ad 3. & cum Magistro in 1. d. 30. sententia confunis Doctorum. Idem fateur tandem S. Augustinus l. 5. de Trinit. c. 16. & 15. vbi ait: *Si Dominus non dicitur, nisi cu[m] dicitur habere seruit, et iā ista appellatio, ex tempore est Deo. Non semper ita creatura*

*est, cuius est illa Dominus; quamvis antea hac de ratione fuerit dubius, ut lib. 12. de civit. Dei c. 15. planè confessus fuerit, se nescire illius solutionem.*

Ratio primæ partis est; quia cætera prædicata, quæ non significant aliquam relationem Dei ad creaturas, aut sunt negativa; quæ cum vel remoueat aliquam imperfectionem, aut cerre actualēm processionem creaturarum à Deo, non possunt ab æterno Deo conuenire: aut sunt affirmatiua absoluta, quæ cum absolutam aliquam in Deo perfectionem significent, non possunt non etiam ab æterno Deo competere; cū Deus sit Ens vndiquaq; necessarium & immutabile: aut dicunt habitudinem ad creaturas solum vt possibiles; & cum ad has itidem Deus semper eodem modo sese habeat, tam secundum intellectum, quam voluntatem, aut etiam potentiam operativam; sicut & hæ vicissim ad illum; nec ista quidem possunt Deo ex tempore conuehiri. Restat ergo, vt sola nomina, quæ dicunt relationem ad creaturas aliquando existentes, Deo ex tempore conueniant; vt rectè etiam notauit Gregorius de Valentia hic quæst. 13. p. 4.

Ratio secundæ partis, quod hæc tamen non omnia ita Deo conueniant, &c. est, quia nomina relativa, tunc verè conuenient alicui rei, quando adest fundatum proprium eiusmodi relationum: at vero fundatum relatiōrum nominum, quæ significant relationem præcisè consequentem actionem Dei immanem, conuenit Deo ab æterno; cum fundatum hoc sit ipsa actio immanens Dei, quæ utique ab æterno est in Deo; aliorum vero fundatum est non sola actio immanens Dei, quanquam hæc etiam ijs nominibus significatur, vt superius ex S. Thoma dictum, sed etiam actio transiens; imò ipsa etiam relatio realis creaturæ ad Deum; quandoquidem Deus non referatur ad creaturas reather, sed solum relationerationis, licet creatura referantur ad Deum realiter, adeoque ipsa inter se inueniē relatione non mutua: cuius generis relativa, ideo ad aliud referri dicuntur; quia aliud realiter refertur ad ipsa, iuxta Aristotelem 5. Metaph. cap. 15. vt rectè etiam notauit S. Thomas cit. art. 7. & 2. cont. gent. cap. 12.

Cuius quidem hæc doctrina, relationes Dei ad creaturas non esse reales, sed solum rationis, communiter est recepta ab omnibus fere Theologis speciatim à S. Bonaventura in 1. d. 30. q. 3. Richardo q. 4. Scoto ad q. 2. Capreolo q. 1 a. 1. Henrico quodlib. 9. q. 1. Ferrariensi loc. cit. Caetano & Calijs Thomistis hic à 7. & rectè defenditur à Gregorio de Valentia q. 14. p. 4. Vasquio hic à 7. & disp. 104. c. vlt. eti in modo loquendi different Ockam & Gabriel in 1. d. 30. q. 5. Durandus q. 3. Marsilius in 1. d. 32. a. 1. & Ariminensis in 1. d. 28. quæst. 3. a. 1. qui has relationes reales vocant, non rationis; non quod sint aliquid reale Deo adhærens, sed quia seclusa omni mentis conceptione, Deus realiter creat, & est illud, quod dicitur Creans, aut Creator; quod tamen non sufficit; sed requiritur, vt ratione talisationis realiter referatur ad creaturas; quod Deo non conuenit: quia alias Deus aliquo modo penderet à creatura, sicut relatio pendet à termino. Quare multo minus audiendi sunt quidam recentiores, in quibus etiam est Albertinus, relatus dub. 8. resp. ad 3.

qui concedunt, eiusmodi relationes in Deo esse reales, etiam hoc sensu, quod Deus realiter referatur ad creaturas; ipsæque sint realiter & intrinsece in Deo: quod tamen Vásquez hic num. 37. merito pro absurdio habet, & pro re hactenus inaudita; saltē loquendo de relationibus ad creaturas, quæ vel ex tempore, vel ab æterno liberè Deo conueniunt; quicquid sit de ijs, quæ Deo necessario conueniunt ab æterno.

Objeicitur. Si relatio dominij ad creaturas non est in Deo, secundum rem, sed solum secundum rationem, sequitur, Deum non esse realiter Dominum aut Creatorem; quod tamen est falsum.

Respondent bene S. Thomas cit. art. 7. ad 5. negando sequelam: quia satis est vt fundamentum eiusmodi relationum, & ratio ipsa etiam fundandi sint realia, realiterque Deo competant, sive intrinsecæ, vt est potentia Dei actiua ad extra, vna cum actione Dei immanente, à qua procedit actio transiens ad creaturas; sive per denominationem extrinsecam, vt est actio transiens creationis, simul cum relatione reali subiectiōis & dependentiæ creaturarum ad Deum. Quæ etiam causa est, cur quædam eiusmodi nomina dicantur Deo conuenire ab æterno; tametsi connotent relationem ad creaturas, quæ ab æterno non existit; cum nec Deus eiusmodi entia rationis formet, nec ulla intellectus creatus fuerit ab æterno, qui formaret: satis enim est, quod fundamentum eiusmodi relationum, ea quidem ratione, qua fundamentum est, fuerit ab æterno. Si quidem fundamentum relationis præscientiæ diuinae v. g. non est creatura ipsa, vt actualiter existens ab æterno; sed vt aliquando existentiam habitura in tempore; quod de creatura ab æterno verificatur.

Ex quibus colligitur creationem absolute & simpliciter loquendo non esse ab æterno in Deo, vt rectè etiam Aureolus & Ariminensis apud Capreolum in 2. d. 1. q. 1. & sumitum ex S. Thoma hic loc. cit. & 2. cont. gent. cap. 3. 5. & de potent. q. 3. a. 17. ad 2. 6. & 3. 0. Nec dissentit Bahnes 1. p. q. 45. a. 3. quicquid Albertus Magnus in cap. 4. Dionysij de cœl. hinc dixerit, Deum quidem ab æterno creare res, sed res non esse ab æterno creatas: quæ inter se non recte cohaerent. Plura de hac re disp. 6.

### D V B I V M III.

*An nomina communia Deo & creaturis de utrisq; uniuocè, an solum æquiuocè, vel analogiè prædicentur.*

S. Thomas i. p. 13. a. 5. & 6.

D E hac re optimè docet S. Thomas cit. q. 13. a. 5. cuius doctrina his assertiōib⁹ cōprehenditur.

Assertio I. Nomina communia Deo, & creaturis non prædicantur de utrisque mere æquiuocè. Est communis doctrina, & nunc extra contraversiam: quicquid olim hic quidam à S. Thoma cōmemorati in contrarium dixerint. Probatur ratione S. Thomæ. Quia alias ob vitium æquiuocationis, nihil ex

creatu-